

سعد بن ابی وقاص (رضی اللہ عنہ)
یاخود .

تاریخ اسلام از ابی وقاص

اثر

حلی زادہ : ابراہیم رفعت

عمر الفاروق رضی اللہ عنہ حضرت تیرینک زمان
خلافت کرنے اصحاب کریم ایلہ ایرانیلوک
عراقده کی قادسیہ محاربہ سنی حا کیدر

معارف نظارت جلیله سنک ۱۶۵ نومبرولی فی ۲ محرم
سنه ۳۱۷ وفی ۱ مایس سنه ۳۱۵ تاریخلی رخصتیلہ
(ترجمان حقیقت) مطبعه سنده طبع اولنمشدر

استانبول

۱۳۱۲

برقاچ سوز

تاریخ اسلامک ستونلری قاریش دیرمش اولسه قانظار
اغته عرض اولنه جق یوزلرجه خاطرملره تصادف ایدرزکه
یادعظمی امم اسلامیہ ایچون عین شرفدر . مثلاً بونلردن
(سعد بن ابی وقاص) رضی الله عنه حضرت تلی بنک عمر اقدہ کی
قادسیہ محاربہ سی اویله قولایجه تاریخ صحیفه لرندہ اونوتیله جق
برشی می در . هم نهدن محو اولوب کیتسونده اسلامیته کی
بوشرفلی خاطره سی طاتلی طاتلی اوقومیه لم ! اوشانلی
مظفریت او علوی مهابت که اوقویانلرک توکلری اورپه ریر
وجودلرندہ برحس معنوی طویارلر اغلاماق قابلمیدر .
همده دقت اولنورسه نه درجه عادلانه محاربہ ایتشلرک
خونریز زمانلرکده بیله حقانیت کوزهدلش انسانیت
نظر دقتہ المشدر . بز بوبابده سوزی اوزاتمغه لزوم
کورمده ک . تقدیر ماهیته ارباب مطالعه بی حکم نصب
ایله ک کورده جکسکیزکه بودهشتلی محاربہ مسلمانلرک اصول
اداره حربیه سیله حقوق دوله رعایتلرینه برنمونه در .

کتابمیز عشق‌دن سودادن بحث ایتمز عادنا بر اخلاق
درسی ویرر . ائرمک شوعصر کالات پروری یه تصادف
ایدیشی بیوک شرفلردندر . همان جنساب حق پادشاهمیز
افندمز حضر تلرینی تختگاه معالیلرنده دایم بیورس-ون
آمین .

حامی زاده

ابراهیم رفعت



اصحاب وقعه و طرفین قوماندانلری

عربلرک

سعد بن ابی وقاص	قوماندان عمومی
زهره بن عبدالله	مقدمه الجیشه
عبدالله بن المعتمر	صاغ جناحه
شر جیل بن السمط	صول جناحه
خليفة بن خالد بن عرفطه	طلیعه لره
عاصم بن ممر التیمی	کذا
سواد بن مالک جرد	کذا
سليمان بن ربيعة الباهلی	سواری قوماندانی
ممر بن معدی کرب	»
طلحة الاسدی	کشف قوللرینه
قعقاع	فرقه لره
قیس بن المکشوح	»
اشعت بن قیس	لوالره

عجم لرك

قوماندان عمومي
مقدمه الجیشه
صاغ جناحه
صول جناحه
فرقه لره
لوالره

رستم
جالينوس
ذوالالحاجب
فيروزاني
هرمن
بندوان

وساثره



قارئلریمزه بیلدیره جگمز بو قهرمان اکابر فقه‌های
 احبابدن برذات محترمدر . پدرینک اسمی (مالک)
 کنیه‌سی (ابی وقاصدر) . اون یدی یاشنده اوله‌رق
 دین اسلامه داخل اولدی . بشیجی باباده نسب رسول
 اکرمه ملاقی اولور . فی سبیل الله ایلك اوکجه قان
 آقیدان بودر . جناب پیغمبرک یکریمی یدی محاربه‌سنک
 کافه‌سنده حاضر بولندی . امرای حضرت نبویدن
 ایدی . محاب الدعوه اولوب آتدینی اوق اصابت ایتد .
 یکنندن نشانجیلوق شرفی اخراز ایتیش ایدی . احد
 محاربه‌سنده بیک قدر اوق آتدینی موثوقاً مرویدر .
 شمشیر جلادت دلاورانه‌سی ایله او زمانلر جزیره عربی
 تتره‌دن ابو وقاص حضرت عمر طرفندن اوتوز سککز
 بیک کشیک اردو ایله عراق اوزرینه‌سوق اولمشیدی .
 اوکلرینه نهر، دره، تپه هر نه کلورسه بی پروا اوله‌رق
 کچدیلر . اشته عراق طرفلری بوقهرمان امتک صولات
 فدا کارانه‌سیله ایدی اسلامه کچدی . ضیای شمشیر

جهاديله عراق کي هنوز نور اسلاميتله منور اولمغه باشلايان
 بر قطعه يي اک بيوک قهرمانلره فائق بر صورتده تتره تهرک
 بيکگرجه مبارزلى زير وزبر ايلدى . او زمان دنيا ناک
 اک بيوک دولتلرندن اولان ايرانک سردار مشهورى
 رستم که جسارتى دللرده داستان اولمش ايدى . حضرت
 سعد اکا اصلا اهميت ويرميه رک اولوم دينلان او حيات
 دشمنى او ميدان قهرماننده برايجم صو قدر نفسلرينه
 کوچوک کوسترديلرده مهاجمات غضنه فرانه سيله نام جلادت
 اتسمنى مجاهدين نبي آره سنده طانته ديردى . بو قهرمان
 شيردک شجاعتى مزيت ذاتيه سى ايسه ده منسوب اولد قلرى
 دين مينک ويردىکي جسارتله ايلروده مبشر اولد ينى اميد
 مغنويلر هر زمان جاني فدايه حاضر قيلمش ايدى .
 فرس اردولرينک کثرتى عسکريه قياس قبول ايتمه چک
 بر صورتده چوق ايکن نشوؤ . صاحبات رسول اکرم
 ايله منلذ اولد قلرندن کوکره مش ارسلانلر کي دشمنه
 ميدان او قورلرايدى . او زمان شمديکي کي (بورزن)
 اولمدينى جهتيله بلوکلرک فرقه لرک حرکات ومهاجماتي
 (الله اکبر) ذمده قدسيته بيلديريلور ايدى ؛
 نه علوى اشارت ! مبالغه جيله قلرى جهتيله اردولرده

رستمی و دیگر قوماندانلرینی کوکله قدر چقارتان
فرسلیرك ساعد حضرتلرندن درس انتباهی الهرق نجد
قاہرہ اسلامیه نك نه ديمك اولدیغنی اكلامشلدرد . شجاعت
مکانت قلب مكارم اخلاق عدل و طلاق لسان ايله
متصف بر سردار فصاحت بیان ایدی . آرز عسکرله
فرس حدودی پیشکاهنه قدر کیده رك رفع لوای مظفریت
ایتمی بیوکلکنه دلیلدر .

دورنده فن حربده کی اقتدارینی قادیسیه محاربه سنده کی
انتظام پرورلیکی اثبات ایدیور . هم معیت تایلرند
اولان اردونك مغربیاتی مکملیتجه مادیاتنه فائق کلشدر .
چونکه موجود عساكرک جمله سی قلب واحد اوزره
اولوب هپسنگ مقصدی اعلائی کلمه اللهدر . عدالت ،
رافت ، شجاعت ، یوزلرنده لمان ایدیور ایدی .
بویله بفرقه عالیه نك همیشه غالب کله جکلری طبیعیدر .
انسانای حربده حضرت ساعدک یاننه عزت نفس لزانده
حیاتیه کی نفس الامرده انسان کاملره یاقشیمان احوال
اوغرامازده سیاله برقیه مثللو صواعق بسالتیله دشمنک
قلبکاهنه هجوم ایدردی . هر بریسی حضور حضرت
نیده بولنش والتفات جهان درجات جناب پیغمبری به

نائل اولمش برر ، قهرمان ایدی . بر کره مجلس رسول
اکرمی کوزلری اوکنه کتوردیلر می اغلایه اغلایه معرکه یه
قوشا ق کویا فر دوس اغلایه اتیلی-ورلر ایمش ظن
اولنور ایدی . اوتوز سکیز بیک کشیک بر قوتله یوز
یکرمی بیک کشیک منتظم بر فرس اردوسنه قارشو
میدان اوقی-وبده شهامت اسلامیه نک بر مقدمه کبراسنی
کوستر-سی اک بیوک مبارزلره غبطه دسان اوله جق
قهرمانلقلردندر .

ذات اقدس پیغمبری دن اقتباس ایلدیکی بارلاق
تصورلر علوی فکرلر کنه-دیسنی بیوک موقعلره نائل
ایلدی . میدان حربده قارشوسنده طوران سباع وحشته
قارشو معینده کی حبتلی عسکریله ابراز ایلدیکی فدا کارلقلر
دهشتلی بر درس انتباه ویردی . نظری تماشای اجلال
خالقنه معطوف اولمغله برابر مقصدی اورته لنی داهیة
ارتداددن قورتارمق ایدی . عائله سنی ، نفسی ، اقبالی
مقدس وطن و دینی اغ-ورنده فدا ایدرک اوکنه کلان
طاساغلی ، طاشاغلی کچه-رک خارقلر ابراز یله شان
اسلامیتک ترقیسنه خدمت ایلدی . عسکری ایچنیده
فضائل اخلاق عمومیتله منتشر اولدیغندن هیچ بریسنک

فكرندن منفعت دنيا لان كيفيت بكميوردی . سوايق
 عظمتی یاد ایتدیره جك ایشلری بك چوقدر .
 خون حقیقی هر زمان معجزات قدرندن معدود
 اعظم اصحابی نزدینه آلمش ایدی . داعیه تفوق و طر -
 فدارئ نفس! اماره . مثللو طبایع نابجادن بری ایدی .
 وقعه سی تاریخ اسلامیتك بیکلرجه خاطرملرینه نمونه امتثال
 اولور . وحافظه اسلامدن زائل اولمزه مناج هدا
 کبی نظر! امتده نشر ضیای توحید ایدر . سوزلری
 ایزلری و هر بر ایشلری ترقی مدنیت اسلامیه ایچون
 برر واسطه عظمی اوله بیلور . نظر حکیمانه سی فیوض
 قدرندن استفاده ایده رك الك بیوك اموری حل ایدر .
 وسیف صارم عدلیله انسانیت دشمنلرنی یرلره سرردی .
 الحاصل وجود عالیلری افکار حکمتك وشئون عدلك
 برمثال ذی حیاتیدر . اولیله اعتباری شیلرله تزیین ذات
 ایتمامشلردر . عند مجتهدانه لرنده مقبول اولان برشی
 وار ایسه اوده فضائل مکسوبه اصحابی ایدی . کویا
 جناب حق ترتیب خلائقه حضرت سعدی الك برنجی
 سردارلر و خادم انسانیت صره سنده یراتمشد بو میدان
 مبارزده امتحان ایدیور ظن اولنوردی . طاغیر

طیانه میان غیرت شیرانه سندن او سحر الرطار گلش اولملی درکه
 فاتحه شجاعتیله افکار عمومیلری ایجاباتندن اوله رق دها
 نیجه نیجه فتوحاته نائل اولمشلردر . پیشگاه عزمنده سد
 مانعت چکمک ایستینه نلرک هیچ حکملری قالمامشدر .
 بر یاندن کلات رسول اللهک تأثیرات حقیقیه سی و بر یاندنده
 یایداری دین مبین ایچون فتوحات جویانه ده بولالمسی
 قلبلرینه اول درجه قوت و یرمشدرکه کسمه یه کوز آچد .
 یرماملر و دشمنلرینسک پای ثباتی نزلله اوغر اته رق
 لوی مظفریت اسلامی منهای خدا مالی دیکمشلردر .

اصحاب شورادن بریسی ده (ابو وقاص) حضرت تلریدر .
 خین محاربه ده اوکوز سوریسنه کیرمش آرسلا نلر کبی
 دشمنی قهر و تکیل ایلدیلر . پدرینی اغور میامن موفور
 جناب پیغمبریده فدا ایتمشدر . همتیله چوق کسه لر دین
 مبین اسلامه داخل اولدیلر . حضرت عمر و عثمان
 رضی الله عنهمادن مقدم بر چوق مهم امورده استخدام
 اولمش ایدی . ایکی یوز یتمش قدر حدیث شریف روایت
 ایلمشدر . کندیسندن دخی اصحاب کرام حضراتی نقل
 ایلدیلر . کوفه یی بنا ایدن و مالک کسری یی فتح ایدن
 کندی اولمشدر . حضرت عثمانک شهادتندن صکره

کوشه نشین ازوا اوله رق عبادت ایله امر ارجیات ایلدی.
خسته اولدینی زمان جناب پیغمبر کندیلرینی زیارت
کیشلر ایدی .

(ابن ابی وقاص) اللرینی قالدیره رق (یار بی بکا
عمر احسان ایله ایکی کوچک اوغوم واردر بیوسون)
بیوردیلر : واقعا مرضدن افاقت بوله رق یکریمی سنه
دها معمر اولمشلردر . یتیمش بدی یاشنده هجرتک الی
بشجی سنه سی مدینه منوره یه اون میل مسافده وارسته
حیات فانی اولمشلردر . جسد مبارکبری مدینه منوره یه
نقل اولنه رق بالجله اصحاب و ازواج مطهرات حجره لرند
اولدقلری حالد مدینه والیسی مروان ابن الحکم طرفندن
جنازه نمازی قیلدیرلشدیر .

جنازه سی ازواج مطهراتک حجره سعادتلری
اوکندن کچرایکن حضرت عایشه رضی الله عنهانک امریله
گذرکا هده طوره رله رق جله سی صلاة جنازه یی ادا
ایلمشلردر . بو حاله اء تراض ایدنلر بولمیش ایسه ده
حضرت عایشه سنز بیلمزمی سکنز حضرت رسول الله
سهل ابن بیضانک جنازه نمازینی مسجده قیلدیردی
بیورمشلردر .

حضرت انس دیکھو کہ ہر کون بعض اصحاب ایلہ
 مواجهہ نمیدہ اوطوریہ اور ابدک جناب پیغمبر شمدی
 بورایہ اهل جنت بر ذات کلہ جکدر پیوردی . بروقت
 صوکرہ (ابو وقاص) کلشدر . مخدوم صلابت موسو-
 ملربنہ . اوغلام ! سن ہر شییٰ قناعت ایلہ طلبایت :
 قناعتی اولیسانک مالی کندیشنی غنی ایلمز . « بیوررلر
 ایمش » اخلاق جمیلہ وصافیت وجدانہ مالک اولیان
 آدملر معنای حقوق انسانیتدن ساقطدر . «
 » سعادت مستریح القلب اولمق و کیمسہنک حقوق
 مشروعه سنہ تجاوز ایتماکله اولور . « جل عارفانہسنی
 ذات عرفانہیلربنہ اسناد ایدیورلر .
 حرکات و سکناتی انسانی حربده کی سوزلری بزجہ
 اصول حربیہ و حقوق دولہ پک بیوک بر زمین عدلدر .
 بر کرہ حضرت عمرک نطقی اوقویبکیز ! برده عجملرک
 قوماندانی رستمک ایاجی صفتیلہ دعوت ایدوب کوروشدیک
 ہر بلرک جوابلربنی نظر دقتہ آلیکز کورہ جکسکزکہ :
 اسلامیت منفعت شخصیہ و جلب اموالہ وسیلہ اولمق
 ایچون تأسیس اولنش بر دین دکدر . سادہ مسلمانلرک
 دکل بتون عالم انسانیتک منافعی و حقوقی تأمین ایلہ-

هر کسى مشروعيت دائره سنده مساواته دعوت ايتمک اک
برنجى اساسنددر .

اينى دقت ايديکز ! اسلام اردوسنده هيچ حقسزلق
وقورقو کورميه جکسکز ؛ چونکه : منسوب اولدقلى
دين مينه اول درجه محکم اينانمشـلردرکه اونک احکام
جليلهسى اوغورنده فدای جان ايتمک کنديلرنجه اهميتدن
تاريدر . شهادت عادتاً نفسلرينه روح ثانى کيدر . اک
خونريز محاربه لرده بيله خصملرينه قارشوبى پروا طاورا-
نيورلر ؛ چونکه : مقصدلى منفعت دينـويهدن
مجرددر .

بر عسکرکه بيفمبرلى : مفخر موجودات ؛
کتابلرى : اعدل قوانين اولان قرآن شريف ؛ خليفه لرى :
عدلاک هيکل مجسمى جناب عمرالفاروق ، سردارلى
محدث ، فقيه ، شجاع مبارز اوصاف جليله سنى حائز
سمد بن ابى وقاص ، اشارتلى : تکبير، گذرگاهلى ،
شملة توحيد ، مقصدلى ، اعلاى کلمة الله ، اميدلى ،
مضويات ، ايشارى ، طوغريلق ، سلاحرلى ، عدالت
اولور ايسه نه دن قورقار ؟ اشته حضرت سمدک بو
اردوسنده هيبى تکميل ايدى .

— بویله بر بیوک خاطرہ نک محو اولوب کیتمه سنه
 بردرلو وجدانمز قائل اولدیغندن جریان وقعه یی وطر -
 فلرندن صادر اولان حرکاتی وایراد اولنسان نطقلری
 ومحاوره لرینی اولدینی کبی لسانمز نقل ایله قارئینه عرض
 ایلدک شویله که :

اهل اسلامک عراق حوالیسندہ کی غلبہ لری ایرانلیلرہ
 تأثیر ایلدیکندن خیبر وقعه سنندہ ایرانلیلر غالب اولمش
 ایکن بینلرنده متحد ایدن اختلافات مغلوبیت اخیرہ یی
 انتاج ایدہ جکندن بالاتفاق اهل اسلامدن انتقام المری
 ایچون اہالی طرفندن رستم ایله فیروزانہ بیلدیرلدی .
 بونلر اتفاق ایله مسلمانلردن انتقامہ تشبہ ایتملری ضمنندہ
 فرس شاہی یزد جرد طرفندن ویریلان امر اوزریتہ
 جسیم اردولر ترتیب وحیرہ ایله انبار طرفلرینہ سوق
 ایلدیلر . مدینہ منورہ دہ خلافت نشین علویت اولان
 حضرت عمر ایرانیلرک بوحرکات حربیہ وتشبہات مهمہ -
 لرندن خبر الیر المز . درحال مجاہدین مسلمینی طوبایوب
 — حضرت علی المرتضیٰ یی بالتوکیل فرسلرک اوزریتہ
 کیتمسنی قصد ایلمش ایدی . حضرت خلیفہ نک دارا -
 لخلافتدن آیرلسنی تجویز ایتیان احساب حضرت عثمان

واسطه سبله حضرت عمر ك قلمسی ایچون عرض اولمسنی
مناسب کوردیلر . ولدی العرض جناب خلیفه آرای
مذ کوره بی قبول ایلدیکندن سعد بن ابی وقاص حضر-
ت لرینی عراق اردوسی اوزرینه عموم قوماندان نصب
وتعین ایلدی . سعد حضرتلری اوصردده هوران
صدقانه مأمور ایلدیلر . اوراده دکل ایدی . خلیفه نك
امریله مدینه منوره یه جلب اولمشدر .

حضرت عمر رضی الله عنه طلحه بی مقدمه یه عبدالرحمن
بن عوف ایله زبیر بن عوامی جناحینه تعین بیورمشلر
ایدی . جناب خلیفه عمومی عسکر قوماندان بسالت
عنوانی اولان حضرت سعدی تعین بیوردقلری وقت
مشار الیه قارشو آتیده کی خطبه بلیغه بی ایراد
ایلمشلردر .

ای سعد ! رسول اکرمه منابیت وقرابتك ، سفی
مغرور اتمه یین ؛ حق تعالی حضرتلری سیئه بی سیئه ایله
محو اتمز ؛ انجق سیئه بی حسنه محو ایدر . هیچ بر
کسه نك درگاه حق اطاعتدن بشقه بر صورتله نسبتی
یوقدر . دین الهمیده ، خلقك هبسی مساوات اوزره درلر .
الله جلله نك ربیبی ؛ ناس هب اللهك قوللریدر . ناس

حسن عاقبتله تفاضل و نزد اللهی ده کی طاعتلرینه ادراك
ایدرلر .

حضرت پیغمبردن کسور دیکک امرلره نظر واول
امری الزام ایله ، هر حالده صیره ملازمتی اختیار
ایتملیسین معابدی تخریب ایتمه ، غالب کلور ایسهک غدارانه
معاهده عقدینه قالدشمه ؛ امان دیهرک عرض اقیعاد
ایدهنه قلانچ یوقدر ؟

لسان شریف خلیفه دن مؤثر بر صورتده ایراد اولوب
هر بر جمله سی اسلامیتک زمین عدلنه بر نمونه اولان بو
نطق حضرت سعد ایله اوراده بولنان عسکرک جکرکه
شجاعت اکتناهنه تأثیر ایلدی . معسکرده تجمع ایتمش
اولان درت بیک نفر غزاة کرامی سعدک رفاقتنه ویره رک
هپسنی یوله چیقاردی . متعاقباً ایکی بیک یمنی و بر اولقدر
دخی نجد عسکرینی سوق ایلدیکه سعده ترفیق ایلدکلری
عسکرک جمله سی سکزر بیک نفر دن وعراقده امرای
اسلامیه دن (مثنی) معیتسده طویلانان مجاهدین دخی
او مقدارده ایدی . خلیفه نک کوندر دیککی عسکرا یچنده چوق
مشاهیر وار ایدی .

حمیضه بن نعمان بارق، عمر بن معدی کرب ، ابو

سهره بن ابی رهم مذحج ، یزید بن الحرث عذره ،
جنب و مسلمیه ، بشر بن عبدالله الهاللی ، قیس عیسان
حصین بن تمر و معاویه بن خدیج (سکون و کنده)
قبائلندن مجتمع عسکر اوزرینه امیر ابیدیلر . ابن ملجم
دخی بو عسکرده موجود ایدی . مثنی بن حارثه صوکه
محاربه لک بریسنده بر جریحه المشدی . سعد بن ابی
وقاص حضرتلری (بزود) نام محله واصل اولدوقده
(مثنی) نک متأراً وفات ایلدیکی خبر اسفنا کنی المغله
جملة محزون اولدیلر . (مثنی) نک عهده سندن منحل
اولان مأموریتی برادری (مثنی) به توجیه اولندی .
مرحوم مشار الیه حین وفاتنده فراتک برو طرفنده
محاربه اولمسنی (مثنی) به توصیه ایلتمش ایدی . کیفیت
سعد جابندن حضرت خلیفه به عرض اولندوقده اولوجهله
حرکت اولمسی امر اولندی . حضرت سعد (سیراف) نام
محله واصل اولدقلری زمان (اشعث بن قیس) بیک
یدی یوز نفرله کلوب ملاقات ایلدی . عساکر موجوده
اوتوز بیک نفردن زیاده به باغ اولدی . اردو ایچنده
طقسان طقوز نفر اصحاب بدر واون نفردن زیاده
بدیه الرضوانده و اوچ یوز نفردن زیاده فتح مکده حاضر

بولتنش اصحاب ویدی یوز قدر ابناء اصحاب موجود ایدی .
 سیرافده عسکرک تعییه سیله تنظیمنه تشبث اولنوب
 هر فرقه اوزرینه قدملی بر امیر ، هر اون نفره بر
 صریف (اوباشی) تعیین بیورلدی ، لوالر امرایدینه
 اعطا ایدلدی . اردوی اسلامک طلیعه و جناحین
 وساقسی و احتیاطنی ترتیب و تقسیم ایله اصحاب کرامدن
 و نی تیم قبیله سندن زهره بن عبدالله مقدمه الجیش اولق
 اوزره اول بول عذیبه کوندرلدی . صاغ جناحه عبدالله
 بن المعتز ، صول جناحه شرجیل بن سمط و خلیفه بن
 خالد بن عرفطه ، طلیعه لره عاصم بن عمر التیمی و سواد
 بن مالک ، جردانلولر اوزرینه سلمان بن ربیع الباهلی
 مأمور اولدیلر . بوندن صکره سر عسکر مشار الیه
 اردوی اسلامی الوب مهنی نک دلالتیله سیرافدن حرکت
 و عذیب نام موقعه و بعده قادسیه ده عتیق ایله خندق
 اراسنده واقع کوپرینک خذاسنه نزول ایدیلر . زهره
 رضی الله رفاقتمده کی عسکرله اطراف و اکنافه آقین
 صالغه باشلادی .

وبکر بن عبدالله اللیثی معیتله بر سریه (حیره طر -
 فلرینه کوندرلدی .) حیره ایسه مؤخر آینه ایرانیلرک

يد استيلا لرینه کچمش واوراده برمر زبان اقامه اولمشیدی .
 بکرك ورودی و مرزبانك قز قرنداشنی نامزدیله زفاف
 ایچون کتوردکاری بر زمانه تصادف ایدرك بونك ایچون
 شمشه لی دوگون یا بل مقده و عروسه اوتوز قدر نسوان
 و یوز قدر توابع ایله کتورلمکده ایدی ، بکر بونلرك
 هپسنی جهاز و اموال موجوده ایله چو یروب سمدک یاننه
 کتوردی . و اموال مذکوره بین المسلمین اغتنام
 اولندی) .

سعد حضرتلری قادیسیده ترتیب ایتدیکی مفرزه لرله
 کسکر و ابنار ارالرینه سربلر ارسالیله طرف طرف آقینلر
 اجرا اولتیورایدی . عساکر مسلمینک حرکات حاضره سی
 حیره و فرات اره سی استیلا ایتمکده و تجاوزات وقت
 وقت توسع ایلیمکده اولدینی خبری فرس شاهی یزد
 جرده بالغ اولدقده مشار ایله اهل اسلامک منع تجاوز -
 لرینه اقدام ایتسی ایچون رستمه امر و یردی ایسه ده
 رستم مرکز حکومتدن آیرلق استمدیکندن کندوسنک
 مداینده قالمسنی و جالینوسک سردارلقه عزیزمقی عرض
 ایتش ایدی . یزد جرد ه ایته کیده چک دیو اصرار
 و برجسیم اردو ایله رستمی یوله چیقاردی ، سردار